

بلوچستان ۾ سوب بوتگين گچينڪاري؛ آجوتى لوٽوڪين گلانى ڪرد ۽ بلوچ راڄ

پجار:

27 مارچ 1948 ۽ نوڪ جوڙ ڪتگين وتگڙين استان (پاڪستان) بلوچ سرڊگار ۽ سر ۽ ارش ڪنت ۽ بلوچستان ۽ وتي ڪالوني جوڙ ڪنت هما روچ ۽ بگر داں روچ ۽ مروچي بلوچ گلام انت، بلوچ ۽ پجار دودمان، زمين ۽ زبان گل گلامي ۽ زميلاں گون بستگ انت۔ بلوچ مرچي وتي جند ۽ زمين ۽ وڙ وڙين استاني ناشڪاري، زلم ۽ زوراڪياني آماچ انت۔ بندنپتري راستي ۽ ڪه زورگريں استان هچر اے هبر ۽ منگ ۽ جاڙي نه بيت ڪه اے زمين آئي ۽ ڪبزه ڪتگ بلڪين مدام جهان ۽ ديم ۽ هم پيشدارگ ۽ جهده ڪنت ڪه اے زمين مني وتيگ انت ۽ اءِ مردم مني گلام نه انت نئيڪه من ايشاني سر ۽ ارش ڪتگ اے مني جند ۽ شهري انت ۽ گون من وتي جند ۽ واھگ ۽ نشتگ انت۔ هم ڪلوه ۽ سر ڪنگ ۽ زورگريں استان لهتن ۽ بئين پندل ڪارمرز ڪنت آياں ڇه يڪ گچينڪاري انت ڪه ايش سڪين مزنيں پندل ۽ زورگريں استان همڪ وهده ايشي ڪارمرز ڪنان انت۔ گچينڪاري ڪنائينگ ۽ مول ۽ مراد هميش انت ڪه اے گلامين راڄ ريبينگ به بيت ڪه ترا وتي نمائندگ گچين ڪنگ ۽ هڪ هست ۽ اگان تو ديمروئي ڪنگ ۽ نه ۽ يا تئي سر ۽ زوراڪي بوگ ۽ انت گڙا ايشي ۽ زمه وار من نه ان بگندي شمع جند ۽ گچين ڪتگين مردم انت۔ بله هڪ ۽ دل ۽ اے لس مهلوڪ ۽ گچين ڪرتگين مردم نه انت لس مهلوڪ بس په دروگ رد ديگ بيت ۽ هما مردم ديم ۽ آرگ بنت ڪه استان ۽ چانوگر انت ۽ همائي ۽ هڪل ۽ پدا ڪار ڪن انت انچوشڪه انوگين گچينڪاري ۽ گيشتر ووٽ ۽ اوشتاتگين مردم سرڪاري دلار، ڏيته اسڪواڊ ڏڙ ۽ منشيآت پروش بوتگ انت۔ دومي نيمگ هم گچينڪارياني ڪمڪ ۽ زورگريں استان جهد ڪنت ڪه ڏني دنيا ۽ را باور بڪنائينت ڪه اے راڄ ۽ را من هڪ داٽگ په وت نمائندگ گچين به ڪنت ۽ اے مردماني گچينڪاري ۽ بهر زورگ وت اے گپ ۽ منانڪ انت ڪه اے مني گلام نه انت شهري انت۔

بلوچستان ۽ اے وهدي راڄي آجوتى جُنز گون ترندي ۽ جُنزگ ۽ انت ۽ همڪ پڙ ۽ (سياسي ۽ سلاھبند) استان ۽ وتگڙين پندلاني پروشگ ديگ ۽ وتي روچ ۽ شپاں ديگ ۽ انت۔ بلوچ راڄي آجوتى جُنز ليڪه ۽ 1970 ۽ دهڪ ۽ سوبين هڪومت ۽ پد وتي راه تچڪ ڪنگ، بلوچ نوں پاڪستاني پارليمنٽ ۽ سياست ۽ بهر نه زور ايت ۽ ڇه پاڪستان ۽ ڪبزه ۽ بلوچستان ۽ وتواجهي ۽ په جنگ ڪنت۔ هم پيم ۽ ديمتر ۽ هرچي ڪه گچينڪاري بوان بنت بلوچ لس مهلوڪ ۽ راڄڪار مزنيں ڪسائ ۽ آياں گون بهر نه زور انت۔ 2008 ۽ گچينڪاري ۽ بلوچ راڄ سرجم ۽ دزڪش بيت ۽ 2013 ۽ 18 ۽ گچينڪاري اوں هم داب ۽ بلوچستان ۽ ۽ سوب بنت۔ بله استان وتي اے پندل ۽ سر ۽ انگت اوشتاتگ ۽ انون 2024 ۽ پدا وتگڙين گچينڪاري بوتگ انت ما ڪسانين جهد ۽ ڪنن ڪه انوگين گچينڪاري ڪجام هده داں ۽ سوب بوتگ ۽ ايشي ۽ ۽ سوپ ۽ بلوچ لس مهلوڪ، بلوچ راڄي آجوتى جُنز گل ۽ پارٽياں استان ۽ اے وتگڙين پندل ۽ پدر ڪنگ ۽ چونين ڪرد ۽ پيلو ڪنگ۔

گچينڪارياني تياري ۽ بلوچ آجوتى لوٽوڪين گلانى پدڪرد:

15 دسمبر 2023 ۽ اليڪشن ڪميشن آف پاڪستان جار جنت ڪه سرجمين ملڪ ۽ 8 فروري 2024 ۽ گچينڪاري ڪنگ بنت۔ اے جاره پد يڪ نيمگ پاڪستاني پارليمانتي پارٽي ۽ سياستدان وتي سر ۽ پُراں بندات ڪن انت ۽ دومي نيمگ ۽ بلوچ آجوتى لوٽوڪين گلانى نيمگ ۽ ڇه درشاني نه اوشتوڪين درچ بندات بيت۔ 14 جنوري ۽ بلوچ اسٽوڊنس آرگنائيزيشن (آزاد) ۽ نيمگ ۽ ماں چاگردي رسانڪدر ۽ ”استاني گچينڪاريان بهر زورگ بلوچ زمين ۽ گلامي ۽ توانا ڪنگ انت“ ۽ نام ۽ درشان ۽ شنگ ڪنگ بيت اے درشان ۽ پي ايس او آزاد ۽ بجاھي جارڪش استاني گچينڪارياني نُڪس ۽ تاواناں پدر ڪنان ۽ بلوچ راڄ ۽ ڇه لوٽ ڪنت ڪه ڇه گچينڪاريان دزڪش به بنت۔ اے ميان ۽ ايڪس ۽ ڪيمپئن #BalochBoycottElections2024

جُنزینگ ءُ بلوچ لس مہلوک ءُ گوں استانی گچینکاریانی بگیری ءُ ترانے بندات کنگ ءُ جار جنت 7 فروری ءُ مزین کچے ءُ بلوچ لس مہلوک ءُ نودربر اے کیمپن ءُ بھر زور آنت ءُ ہزارانی کساس ءُ ٹوئیٹ کن آنت۔ ہمے میان ءُ بی ایس او آزاد ”استانی گچینکاری ءُ بلوچ راجی زمہ واری“ ءُ نام ءُ یک کتابکے شنگ بیت کہ ایشی ءُ تہ ءُ استانی گچینکاریانی نُکس پہ بلوچ ءُ آجوئی جُنزے، گچینکاریانی راستی ءُ بلوچ راجی زمہ واریانی سرے دراجیں تران ہوار آنت۔ گچینکاریانی چست ءُ ایرانی میان ءُ بی ایس او آزاد ءُ مزین کچے ءُ بلوچستان ءُ لس مہلوک ءُ تہ ءُ اے تران جاہ دانگ آت کہ بلوچ راج چہ استان ءُ وتگڑیں گچینکاریاں دزکش بہ بیت ءُ پاکستان ءُ اے دروگیں پندل ءُ جہان ءُ دیم ءُ پدر بہ کنت کہ بلوچ وتی جند ءُ واہگ ءُ پدے پاکستان ءُ بھر آنت ءُ اے راستی ءُ جہان ءُ دیم ءُ پدر بہ کنت کہ بلوچ ہج رنگ ءُ پاکستان ءُ بھر نہ انت ءُ پاکستان ءُ زورگیری شوربندی ءُ ردے بلوچ زمین کبزہ کُتگ ہمیشکہ بلوچ ءُ گوں استانی راجکاری ءُ چست ءُ ایراں ہج وڑیں دست ءُ داوا نیست بلوچ بس وتی راجی آجوئی ءُ لوٹ ایت۔

بلوچ راجی زُرمبشت (بی این ایم) ءُ اوں گچینکاریانی بگیری ءُ پنتاکے ماں چاگردی رسانکدرے شنگ کُتگ آت اے پنتاکے تہ ءُ بی این ایم ءُ گچینکاریانی راستی درانگاز کنگ ءُ ہمہراہی ءُ ایکس کیمپنے #NoElectionsInBalochistan جار جتگ آت کہ اے رسانکدری کیمپن ءُ تہ ءُ بلوچ راج ءُ مزین کساسے بھر زُرتگ آت۔ بی این ایم ءُ بُنجاہی کماش ءُ لہتیں بنجاہی پترے باسک ءُ اے دگہ باسکاں تواربند ءُ تاُمردشان ماں رسانکدرے شنگ کُتگ آنت ایشاں ابید چہ بی این ایم ءُ نیمگ ءُ اسپیسے اوں ایر کنگ بوتگ آت کہ اودے گچینکاریانی سرے دلجمیں ترانے بی این ایم ءُ سنگتاناں کُتگ آت۔ فری بلوچستان مومنٹ ءُ سروک ہیر بیار مری ءُ اوں گچینکاریانی بگیری ءُ ماں چاگردی رسانکدرے ویڈیو درشانے شنگ کُتگ آت۔ اے سرجمیں راجی گلاں وتی توامیں وس ءُ واک ءُ جہد ءُ چہ راجے اے لوٹ کُت کہ گچینکاریانی بھر مہ زور آنت ءُ راجی آجوئی جُنزے ہمہرائی ءُ بہ اوشت آنت۔

سیاسی گلانی اے زمینی ءُ رسانکدری چست ءُ ایراں ابید بلوچ آجوئی لوٹوکیں سلاہبندیں گلاں اوں گچینکاریانی گر ءُ دار کنگ ءُ چہ گچینکاریاں چہ پیسرے سر ءُ پُرانی دارگ الیکشن کیمپناں ے سوب کنگ ءُ ے دوریں کردے پیلو کُتگ۔ اے ردے بلوچستان لبریشن فرنٹ، بلوچستان لبریشن آرمی (آزاد ءُ جیئند) ءُ بلوچ سلاہبندیں گلانی امبریل گل بلوچ راجی آجوئی سنگر (براس) ءُ جارکشاں وتی درشانانی تہ ءُ پارلیمانی چانوگریں پارٹی ءُ وتگڑیں راجکاراناں بیہار دانگ ءُ گشتگ آت کہ بلوچ زمین ءُ سرے گچینکاریانی ہج وڈیں ارزشتے نیست، اے تہنا استان ءُ وتی زورگیری ءُ کانودی دروشم دیگ ءُ پندلے ءُ ایشانی تہ ءُ ہج وڑے بھر مہ زور ات ءُ سلاہبندیں گل ہر رنگیں کاروائی کت کن آنت اگاں کسے بھر زور ایت گڑا آتی زمہ وار وت انت۔ اے میان ءُ بازیں سلاہبندیں اُرشے کنگ بوتگ آنت ءُ ایشانی تہ ءُ گیشتریں اُرشانی زمہ واری براس ءُ من اتگ۔ گچینکاریانی چہ پیسر کیمپننگ ءُ وھدے سلاہبندیں گلاں بلوچستان ءُ جتائیں دمگاں بازیں کاروائی کُتگ آنت آوانی تہ ءُ استانی لشکر، ہندی الیکشن کمیشن کارگس، پولنگ اسٹیشن ءُ پارلیمانی راجکارانی لوگانی سرے اُرش ہوار آنت۔ کیچ، پنچگور، ہب، گوادر، ہاران، نوشکی، کلات، آواران شال، ڈیرہ بگٹی ءُ کولہوے جتا جتائیں کاروائی کنگ بوتگ آنت۔ اے ہند ءُ دمگاں کڑا چوشیں لوگے یا کہ کارگیسے پشت کپتگ کہ آوانی سرے تراک ءُ تیرگواری ءُ اُرش کنگ نہ بوتگ بلے گیشتر راجکارانی لوگ الیکشن کیمپن کارگس ءُ ایدگہ گچینکاریاں گوں ہواریں چست ءُ ایرانی سرے اُرش بوتگ آنت۔ براس ءُ وتی شنگ کُتگیں درشانے الیکشن ءُ پیسر تہنا ہشت روچے 112 اُرش کُتگ کہ ایشاں چہ ہاسیں جانی تاوان ءُ ہال نیست ءُ ہما اُرش کہ استانی لشکرے سرے کنگ بوتگ آنت آوانی تہ ءُ کسانیں کساسے دژمن ءُ را جانی تاوان رستگ بلے بلوچانی لوگ ءُ گارگسانی سرے ہرچی کہ اُرش کنگ بوتگ ایشانی تہ ءُ تہنا مالی تاوان رستگ ءُ مردماں بیہارے رنگ ءُ تہنا تُرسینگ بوتگ کہ گچینکاریاں بھر مہ زور آنت۔ آواران ءُ دمگ پراندردے بلوچ سرمچار میتگاں شُتگ ءُ مسیتاں جار جتگ ءُ مردماناں بیہار دانگ، کولواہ ءُ زبیری دمگاں مردمانی شناسی کاٹ گوں وت برتگ آنت ءُ ہاران ءُ بی ایل اے نام ءُ دیوالانی نویسگ ہوار آنت۔ ہمے کاروائی ءُ اُرشانی سوبے پارلیمانی پارٹی ءُ راجکاراں کیمپننگ کُت نہ کُتگ ءُ بازیں ڈسٹکاں انتظامیہ ءُ چہ تُرسے

سوبہء کیمپٹناں ماٹو کنگء جار جتگ آوانی تہء شال اوں ہوار انت کہ اودء سئے روچء داں ایمرجنسی برجم دارگ بوتگ۔

الیکشنء روچ:

الیکشن کمیشنء ردء 8 فروری 2024 ء گچینکاریانی روچء پاکستانء ایدگہ دمگانی ہمہرائیء زورگیریں بلوچستانء اوں گچینکاری بندات بوت انت بلے اے رندی چہ سلاہندیں گلانی بیہار، سیاسی گلانی کیمپٹن ء مہلوکء کرء وتی ترانانی سر کنگ ء چہ پاکستانی وتگڑیں پارلیمنٹء بلوچ مہلوکء بے امیتیء سوب ء بلوچستان ء ابید چہ پارلیمانی سیاستدانی لوگ ء نزیکیں مردمان بگر داں ایدگہ لس مہلوک چہ لوگان در نہ یتگگ انت۔ گچینکاریانی وھدء بنداتیء ہوار کیچء پولنگ اسٹیشنء دو تراکء پد ء اے پولنگ اسٹیشن بند بوتگ ء یک اوں ووٹے نہ کپتگ۔ زامرانء پولنگ اسٹیشنء سرء سئے تراک کنگء پد گچینکاریء سرجمیں سامان ماندارگ ء تباہ کنگ بوتگ انت۔ کیچء ایدگہ دمگاں اوں ہمے حسابء اُرشانی درچ برجہاہ بوت۔ ہمے اُرشانی سوبء کیچء 49 پولنگ اسٹیشن حساس قرار دیگ بوتگ انت۔ ساھتء پد پنجگور وشبود ء نوک آبادء تراک کنگ بوت انت کہ ایشانی تہء دو چک بیران ء دو ٹپی بوتگ ات انت۔ مکرانء تیابدپی دمگ گوادر، جیونی ء پسنیء اُرش کنگ بوت ایشانی تہء گوادر اسسٹینٹ کمیشنء گاڑیء سرء تراک اوں ہوار انت۔ تھنا گوادرء جندء 14 اُرش بوتگ۔ مکرانء ابید بلوچستانء اے دمگ ہاران، کلات، سوراہ، خضدار، ڈیرہ بگٹی، کوہلو ء دگہ بازیں جاگھےء اوں جتائیں پولنگ اسٹیشنانی سرء اُرش کنگ بوتگ۔ اے اُرشانی تہء کوہلوء میر مصطفیٰ مری ء میر آباد تمپء باپ پارٹیء کاروانء سرء اُرش، ہاران لچء اُرش کہ اودء دو لشکری کارندگ مرتگ۔ اُرشانی ہمہرائیء مکرانء بازیں ہند ء دمگ (ہوت آباد ء ہیرآباد) ء سلاہندیں مردمان دگ پہ روگء بند گنگ انت دانکہ مردم ڈنء در میا انت۔ یکبرے سرکاری رسانکدری اکاؤنٹ دروگیں تامر شنگ کنگ بندات گت کہ بلوچستانء گچینکاری گوں ایمنیء بوگء انت ء دومی نیمگء ہمک ساھتء اُرشانی ہال پیداک ات انت، سرکاری اکاؤنٹ باز جُھد کنگء ات انت کہ استانء بے سوہیء گوں دروگیں ہالان چیر دات بہ کن انت بلے ہچ پہ ہچ بلکیں ساھت پہ ساھت جاور گیش ہراب بوان ات انت۔ اے میانء الیکشن کمیشن آف پاکستانء نیمگء چہ اوں کلوهانی درچ برجہاہ ات کہ مہلوک لوگان چہ در بیا انت ء ووٹ بہ دینت بلے وھدے کہ جیڑہ ء جنجال چہ گر ء دارء وس ء واکء چہ ڈن بوت انت، استانی دروگیں پروپیگینڈا ایمنیء وتگڑیں ٹاپار ہچ دردء درمان نہ بوگء ات انت گڑا انٹرنیٹء جند بند کنگ بوت، انٹرنیٹء بندش استانء وتی بے سوہیاں چیرد دیگء کسانیں جُھدے ات بلے ایشیء تہء اوں بے سوب بوت ء گچینکاریانی راستی مہلوکء دیمء پدر بوت۔

الیکشنء روچ ء بلوچ لس مہلوک:

گچینکاریء روچء سرجمیں بلوچستانء یک نیمگے تراک ء اُرشانی بلاہیں درچ برجہاہ ات ء دومی بلوچ لس مہلوک وت چہ لوگان در اتگگ انت ء پولنگ اسٹیشنانی سرء اُرش اش کتگ۔ بلوچ مہلوک شریں رنگء سرید انت کہ پاکستانی وتگڑیں پارلیمنٹاں کپتگیں مردم بلوچء بزگیء ہچ دردء درمان نہ انت۔ بلوچ چک ء زالبول گوں وتی گار بیگواہیں مردمانی اکسانی ہمہرائیء دگانی سرء در اتگگ ء ریلی ء زہرشانی دروشمء دیم پہ ہندی پولنگ اسٹیشنناں شتگ انت۔ مند گوبردء دمگء زالبولان پولنگ اسٹیشنء دور کتگ انت ء بیلٹ پیپر ء ووٹ پیتی آس دانگ انت ء تامربندء پدر ات کہ زہرشانی کنوکیں مردم ”یہ وردی والے دہشت گرد“ ء اوگام استانی لشکرء دیمء جنگء ات انت۔ اے وھدء ڈیتھ اسکوآڈانی کارندگ اوں ایشانی دیمء دارگ کاینٹ بلے بے سوب بنت۔ ٹمپء دمگاں اوں ہمے رنگء چک ء زالبول پولنگ اسٹیشنناں دور کن انت۔ ہیرونکء مردم روانکے کش انت ء گچینکاریء سرجمیں ساماناں مان دار انت۔

بلوچ لس مہلوک ءِ سلاہبندیں گلانی کاروائیانی ہمہرائی ءِ بلوچ راج ءِ بلاہیں کچے ءِ وتی جندے بزگی وتی زمین ءِ ایردستی ءِ بلوچ شہیدانی مسکیں ہونانی شرپ ءِ ہزارانی کساس بلوچ زمین ءِ پہ جنگ دیوکیں بلوچانی پُسگاں پہ اے ناشکاری ءِ ہوار نہ کپتگ آنت، بلوچ راج سوہو ءِ سرپد انت کہ مرچی آچے پیمیں استانی زوراکیبانی دیمپان انت اے گلانی پڑدر بلوچ زمین ءِ ایردستی انت ءِ ہم ایردستی ءِ پروش دیگ ءِ بلوچ رونا، پیر، کماش ءِ زالبول وتی زندے توامیں مڈیاں ببا دیگ آنت ءِ پہ بلوچ ءِ راجی آجوئی ءِ جھد کنگ ءِ آنت ہمیشکہ اے رندی بلوچ ءِ وت سما کتگ ءِ استانی گچینکاری دابیں گپتمان ءِ بے سوب کنگ ءِ وت جاڑی بوتگ آنت۔ ہمے لیکہ ءِ ردے بازیں ہندانی بلوچاں پہ زانت وت بلوچ راجی آجوئی جُزے ہک ءِ وتی پیسلہ دانگ ءِ گچینکاریانی بھر نہ بوتگ آنت۔ ہمے حساب ءِ بازیں جاگھاں پولنگ اسٹیشن بوتگ آنت بلے یک اوں باسماںیں بلوچے ووٹ دیگ ءِ نہ شتگ، بازیں چوشیں اوں جاہ ہست آنت کہ اودے پولنگ آفیسراں وت بائیکاٹ کتگ ءِ ڈیوئی ءِ نہ شتگ آنت۔ انچوش کہ گوادر ءِ مسال انت اودے ہشتاد ءِ یک آفیسر چہ نوکری ءِ ماٹو کنگ بوتگ آنت اے ہما مردم آنت کہ ایشانی ڈیوئی پولنگ اسٹیشنانی سرے بوتگ ءِ اے نہ شتگ آنت۔

الیکشن ءِ آسر:

گچینکاریانی میان ءِ لس بلوچانی گہگیری ءِ زورگیریں استان ءِ وتگریں پارلیمنٹاں نندوکیں راجی سوداگراں سرجم ءِ رد کنگ، ہندی شرزال ءِ چُکانی زہرشانی بلوچ آجوئی لوٹوکیں سیاسی گلانی میڈیا کیمپن ءِ زمینی چست ءِ ایر ءِ سلاہبندیں گلانی اُرش ءِ بیہارانی سوب ءِ بلوچستان ءِ استانی گچینکاری سرجم ءِ بے سوب بوتگ آنت۔ گچینکاریانی بنداتی کیمپننگ بگر داں الیکشن ءِ روچے تھنا براس ءِ 161 ءِ بی ایل اے آزاد ءِ 43 اُرش ءِ زمہ واری من اتگ۔ دو ہزار سیزدہ ءِ ہژدہ گچینکاریاں اوں بلوچ راج ءِ مزنیں کچے بائیکاٹ کتگ بلے انوگیں بائیکاٹ ءِ سکیں مزنیں ساے دور دانگ، ایشی ءِ سوب بلوچ آجوئی لوٹوکیں گلانی سوبمندیں گامگیچ آنت کہ بلوچستان ءِ ووٹنگ ٹرن اوٹ ءِ ہمینچو کم بوتگ بزآنکہ نہ بوگ ءِ حساب ءِ بوتگ۔ انوگیں گچینکاریاں سرجمیں بلوچستان ءِ ووٹنگ ٹرن اوٹ بس 5% بوتگ ءِ توگشت کن ءِ کہ 95% آبادی ہما کہ ووٹ دات کت کن آنت آیاں ووٹ نہ دانگ ءِ بلوچ آجوئی جُزے پلہ مرزی ءِ اُشتانگ آنت۔ اے 5% تھنا ہما مردم آنت کہ ایشاں گلامی من اتگ بازیں پہ لب ءِ لالچ رد کپتگ ءِ بازیں وت گوں زورگیریں استان ءِ بندوکیں مردم آنت ایشاں چہ ابید سرجمیں آبادی بلوچ جُزے منوگریں مردم آنت ءِ آ گلامی ءِ منگ ءِ جاڑی نہ آنت۔ این اے 261 (مستنک، کلات ءِ سوراب) ءِ 3% ٹرن اوٹ بوتگ بزآنکہ اے ہندانی گل ووٹراںی کساس ecp.gov.pk ءِ ردے 301790 انت ایشانی تہ ءِ نیشنل اسمبلی ءِ پہ تھنا 9053 ءِ کم ءِ گیش مردماں ووٹ دانگ۔ زامران ءِ یک میتگے گل آبادی ٹی بی پی ءِ ردے 3000 ہزار انت ءِ ایشانی تہ ءِ اے میتگے تھنا 52 مردماں ووٹ دانگ۔

شال پاکستانی سیکورٹی ادارگانی بنجل زانگ بیت بلے اودے اوں مردماں چہ ٹرس ءِ در اتک نہ کتگ ءِ شال ءِ گیشتر پولنگ اسٹیشناں ٹرن اوٹ داں 2% بوتگ۔ خضدار اوں ہمے حساب ءِ یک پولنگ اسٹیشن ءِ تھنا 40 ءِ دگہ یکے ءِ 60 ووٹ کپتگ۔ اے جاوراں چارگ ءِ بلوچ لس مہلوک ءِ بے دلگوشی ءِ چہ لوگاں پہ ووٹ دیگ ءِ در نہ آیکے گوں گندگ بیت کہ بلوچستان ءِ ہچ ووٹ نہ بوتگ۔ اختر مینگل ءِ چاگردی رسانکدر ایکس ءِ گچینکاریانی روچے ماں پوسے ءِ گشتگ آت کہ ”گچینکاریانی تہ ءِ مزنیں دلپروشی بے گندگ بوگ ءِ انت“ بزآنکہ مردم پہ ووٹ دیگ ءِ در آیکے نہ آنت۔ نیشنل پارٹی 9 فروری بوتگیں پریس کانفرنس ءِ جان محمد بلیدی وتی زبان ءِ گش ایت کہ ہوشاپ ءِ پولنگ اسٹیشن ءِ یک مردمے اوں ووٹ دیگ ءِ نہ یتگ ءِ تجابان ءِ پولنگ اسٹیشن ءِ تھنا 15 ووٹ کپتگ کہ آیانی تہ ءِ 11 ووٹ جان محمد بلیدی ءِ جند ٹیگ آنت ءِ ہمے یانزدہیں ووٹانی بُنیات ءِ گشگ ءِ جُھد کنگ ءِ کہ من ووٹ کت اتگ۔

پارلیمانی پارٹیائی بے سوئی:

جیڑگی ہبرے ہمے مردماں کہ وتے را جمہوریت دوست گُشتگے ء بار بار وتی الیکشن کیمپنئیائی وھدے ہمے گُشگے بوتگے آنت کہ بلوچستان ء جیڑے توجیل پارلیمانی سیاست ء جمہوریت آنت ء مارا سٹک آنت کہ ما بلوچستان ء جیڑے ہمے رنگے گیش گیوار کن این یا کہ ہما پارلیمانی سیاست ہمک وھدے ہمے منانکے دیمے ایر کن آنت، اگاں ما اے جاہے یل بہ دئیں گڑا زوراک ء زالمیں مردم کاینٹ ء بلوچے سرے ہکومتی کن آنت، پدا گچینکاریائی دومی روچے ہمے مردم ء ونگڑیں پارٹی وت دگانی سرے در اتکگ آنت ء وتی زبانے چہ اے گپے منگے آنت کہ اے استانے گوں سیاست ء جمہوریت ء ہچ نشانے گندگے نئیت، ما وتے را پہ دروگ سھڑینگے بوتگے این بلے مرجی راستی پدر آنت ہما مردم اے لیکھے منوگر آنت کہ بلوچستان ء جیڑے توجیل پاکستانی پارلیمنٹ نہ آنت آ مردمائی گپ راست بوت آنت۔ گچینکاریاں چہ پد درستیں استانی چانوگر ء راجی سوداگر سیٹے ہاترے دگانی باھوٹ بوت آنت کہ کجا نہ کجا مارا جاہے بہ رس ایت دانکہ ما بلوچے زگریں ہونائی سرے وتی کاروبارے دیم بُرت بہ کنیں بلے بلوچ راج چہ اے سوداگراں آشنا آت ء ایشائی زھرشانیاں تھے لس بلوچ ہچ وڑے بھر زورگے نہ آت بس ہمے پارٹیائی جندے باسک ء زھرشانی کنوکائی کھول ہوارا آنت۔ بلوچ راجے اے رنگیں بے دلگوشی ء استان ء پارلیمانی پارٹی ء سیاستدانائی سرے بے بیسھی وت ہمے گپے منانکے آنت نون بلوچ وتی راجی لوٹاں سرپد بوگے آنت، نون مردمائی اندرے سیاسی سنج ء سما آیان آنت ہمیشکے لس مہلوک ریاستی کارندگاں چہ دور ہوان آنت۔

لس بلوچے چماں پارلیمانی سیاستدان:

بلوچے پرچہ استانی گچینکاریاں بھر نہ زرتگے؟ اگاں ما بُنکی سوباں پٹ ء لوٹے جھد بہ کنیں گڑا اولی ہمیش آنت کہ بلوچ سرڈگار ء بلوچ راج ہچ رنگے پاکستان بھر نہ آنت ء بلوچ زمین ہپتادے گیش سال آنت کہ پاکستانے زوگیری شوربندی ء ردے کبڑے کتگ ء بلوچ راجے را گلام ءے داشتگے بزآنکہ بلوچ وت ء را اے استان بھر نہ لیک ایت ء بلوچ اے زوگیری ء گلامی ء بگیری ء جنگ کنگے آنت، سیاسی گھگیری ء بھر آنت۔ پہ اے زمین ء آجوئیے ہزاراں گنگراں وتی ہون ریتکگ آنت گڑا بلوچ گجا اے دیمونی ء چپے شت کنت۔ تو گشت کن ءے کہ راجی آجوئی جُزے جند ہمے بنکی سوبائی بھر آنت کہ ہمیشیے بُنیاتے بلوچے گچینکاریاں بھر نہ زرتگے۔ اگاں انگت دگے سو بے چارگے جھد بہ کنیں گڑا بلوچے یک ء دو رندے ناکامیں کوشست کتگ کہ ہکومت جوڑ بہ کنت بلے استانے بلوچے ہکی ئیں نمائندگاناں کدی اوں اوپار نہ کتگ۔ 1970 ء 1986 ء گچینکاریائی درور مئے دیمے پدر آنت کہ چہ رنگے استانے بلوچ راجدوستیں راھشوناں کم شرپ کتگ آنت ء آواناں چہ ہکومتے کش اتگ۔ اگاں انگت دیمترے دگے سو بے پٹ ء پول بہ کنیں گڑا مارا اے جُستے پسو پکار بیت کہ پارلیمانی سیاستدان ء پارٹیاں بلوچے کجام درد وارنگے؟ بی این پی کہ وتے را بلوچے دردوار ء بلوچ زمین ء وارس گش ایت ہمیشیے ہکومتی ء وھدے چاگی ء بدن گوں ایٹمی بمباں ماندارگ بوت۔ نیشنل پارٹی کہ وتے را بلوچے ساھل ء وسائلے پاسدار گش ایت 2013 ء ہمیشیے ہکومتی ء وھدے گوادرے سودا جنگ بوت ء ہمے ہکومتی ء وھدے بلوچ چُکچینی چہ گوستے توامیں دوراں گیش ودینگ بوت ہزاراں بلوچانی لوگ سوچگ بوت آنت ہزارائی کساسے بلوچ نودریر آوار جنگ بوت آنت کتابجاہانی کتاب برگ بوت آنت ء وانگجاہ ماندرگ بوت آنت، ہمے نیشنل پارٹی ء ہکومتی۔ تونکے اجتماعی کبر در اتک۔ گوستے ما کمو یکر بہ کنیں ء مرجیگے بچار این گڑا بلوچ ورناء، پیر ء کماش، چُک ء زالبول آوار جنگ بوگے آنت دروگیں میڑے نامے بلوچے چُکچینی کنگ بوگے آنت بلے ہمے ونگڑیں پارلیمانی پارٹی ء مردمائی گوشاں مورے نہ وارت۔ بلوچ زھگ ء زالبول سالانی سال دگانی سرے کپتگ آنت۔ پریس کلب ء زھرشانیاں گوں زند گوازینگے آنت بلے اے پارلیمانی سیاستدان وتی لوگ ء عیش ء ہشرتاں گوں بے سمائی ء زند گوازینگے آنت۔ گوستگیں چیزے ماہے پیسر وھدے بالاچے جون ماں شہید فدا چاراءے ایر آت گڑا نیشنل پارٹی گوں وتی جلسھاں دزگٹ ات وھدے اسلام آباد بلوچ زالبول

لٹ ء گٹ کنگ بوت آنت کیسے ء ٹک ء ٹک اون نہ گٹ چیا کہ گچینکاریانی وهد نزیک ات بلوچ راج اے توامین ندارگان چمء وت گندگ ء ات کہ پارلیمانی پارٹی ء سیاستدان کجام هدهء داں بلوچ چکچینی ء بلوچ زمین ء گلامی ء مہکم کنگ ء زورگیریں استان ء گمک کنگ ء ات۔

2024 ء گچینکاری ء آجوئی لوٹوکیں گلانی سوبمندی:

انوگیں گچینکاری ء میان ء بلوچ لس مہلوک ء پدکرد ء الیکشن ء اے دابیں بے سوہی ء تہ ء آجوئی لوٹوکیں گلانی مزین کردے، اے میان ء سلاہبندیں کاروائیانی ہمبرائی ء سیاسی چست ء ایر ء چاگردی رسانکدری کیمپٹناں بلوچ مہلوک مزین کچے ء سانمند گنگ۔ یک و سلاہندیں ارشاں چہ ریاستی کارندگانی تہ ء ترسے ودی بوتگ ات ہمیشکہ وتی جان سلامتی ء پہ ووٹ دیگ ء در نہ یتگگ ات آنت ء دوئی آجوئی لوٹوکیں سیاسی گلانی تران ء رسانکدری چست ء ایراں انچیں چاگردے جوڑ کرتگ کہ ہمک بلوچ چہ گچینکاریاں دزکشی ء وت ساڑی ات۔ تہنا چندے روچاں اینچو سلاہبندیں ارش ء سیاسی کار ء پروگراماں سرحمیں بلوچ راج ء را اے کلوه ء سر کنگ ارزانیں عملے نہ انت بلے بلوچ آجوئی لوٹوکیں گلاں اے توامین کار گون سوبمندی ء آسر گٹ آنت ء استان ء ہزار کوشست ء پندلاں پد اوں آجوئی لوٹوکیں گلانی الیکشن بائیکاٹ جُنز داشت نہ گٹ ء راج ء اوں گون ستنکیں دلے وتی راجی گلاں گون امیت ء ایمان داشت ء وت ء چہ گچینکاری دابیں پندلے رکینت۔ بلوچ لس مہلوک ء زہرشانی ء پولنگ اسٹیشنان دور کنگ پرشت ء پروش کنگ ء بگر داں آجوئی لوٹوکیں گلانی چہ گچینکاریاں دزکشی ء جار جنگ ء پد بازیں جاگھاں وتی لوگاں چہ در نہ آیک گل ہمے سکین دینت کہ بلوچ راج گون راجی جُنز ء بندوک انت ء ہمک وهد ء جُنز ء پلہ مرزی ء ساڑی آنت۔ ہمے مے جُنز ء سوبمندی انت کہ آرا بلوچ راج ء سرحمیں کمک گون انت ء بلوچ راج اوں اے جُنز ء وتی باندات ء مانزمان لیک ایت۔

آسر:

بلوچ سرڈگار ء بلوچ راج اے وهدی گلامی ء کھریں ساہتاں ساہ کشگ ء آنت ء گلامیں راجاں پہ گچینکاری، حکومت سازی ہج ارزشت نہ دار آنت چیا کہ زورگیریں ہمک گرتگیں کار ء برورد پہ ایردست ء بس تاوان انت۔ ہمے داب ء گچینکاری ء دروگیں جمہوریت ء نائک اوں ایردست ء گلامی ء گیش مہکم کنت ء دنیاء دیم ء زورگیریں کبڑہ ء کانودی دروشمے دنت ہمیشکہ وهدے کہ پاکستان ء گچینکاریانی جار جت گڑا بلوچ آجوئی لوٹوکیں گلاں اوں استانی پندلے دیم دارگ ء چن ء لانچ بندات گٹ ایشانی تہ ء سیاسی پڑے پنتاک، تواربند، ٹامر، کتابک، سوشل میڈیا کیمپٹن ء لس مہلوک ء نیام ء گپ ء گال، گچینکاری ء روچے چک ء زالبولانی زہرشانی ء پولنگ اسٹیشنان دور کنگ ء سامان ماندارگ ء سلاہبندیں پڑاں پارلیمانی سیاستدانانی لوگ، استانی لشکر، الیکشن کمیشن کارگس، پولنگ اسٹیشنانی سر ء ارش ہوار آنت۔ آجوئی لوٹوکیں گلانی اے سوبمندیں ارش، سیاسی کار، بلوچ لس مہلوک ء زانت ء سریدی ء سوب ء استان ء ہر بنکی کوشست ء ابید اوں بلوچستان ء وتگڑیں گچینکاری سرحم ء بے سوب بوت آنت۔ بلوچ راج ء گچینکاریانی چہ دزکش بوگ ء آجوئی لوٹوکیں گلانی ہمراہداری کنگ اے پدر کنت کہ بلوچ لس مہلوک راجی آجوئی زرمبشت منوگر انت ء چہ پاکستان ء بلوچستان ء آجوئی ء جنگ ء سر ء ستک کنت۔